



E-BILTEN

SAVEZA OPĆINA I GRADOVA FEDERACIJE
BOSNE I HERCEGOVINE

Petak, 04.03.2011. godine

Br. 107

Aktuelnosti:

1. Jačaju se veze lokalnih vlasti Moldavije i BiH
2. Općina Orašje ulazi u projekat iskorištavanja poljoprivredne biomase
3. Održana Trinaesta sjednica Predsjedništva Saveza
4. Pripreme za otvaranje nove poslovne zone u općini G.Vakuf
5. U Goraždu održan sastanak s FMVPŠ
6. Stručna obuka o kandidovanju projekata za IPA fondove
7. U Jablanici otvoren centar za izdavanje urbanističkih dozvola
8. Predstavljen Projekat «Razvoj održivih praksi za zaštitu, promociju i upravljanje prirodnim resursima»
9. Prekogranična suradnja Orašja i Vinkovaca
10. Civilno društvo na usluzi građanima
11. NAJAVA organiziranja radionica o trezorskom poslovanju
12. NAJAVA obilježavanja Dana općina

Poštovani članovi i čitaoci,

Kao i do sada, obavještavamo Vas o unutrašnjoj i vanjskoj komunikaciji i razmjeni najboljih iskustava i praksi kao i o različitim obukama koje mogu doprinijeti kadrovskom jačanju općinskih službenika.

Putem ovog biltena se možete informirati i o drugim dešavanjima u proteklom periodu kao što su konferencije, seminari, okrugli stolovi

GLEDAJTE svake druge subote u 13:30 sati na Hayat TV – “Moje dvorište” dokumentarno informativnu emisiju o lokalnoj samoupravi.

Repriza je ponedjeljkom u 21:00 sati.

<http://vimeo.com/user5457690/videos>



NAJAVA

MEĐUNARODNI SAJAM OPĆINA

Sarajevo, 10-11. mart/ožujak 2011

NALAS-a (Mreža asocijacija lokalnih vlasti jugoistočne Evrope, www.nalas.eu) u suorganizaciji Saveza općina i gradova Federacije BiH organizira Sajam općina i gradova jugoistočne Evrope.

Sajam će se održati u Sarajevu dvorana Zetra u periodu 10. – 11. mart/ožujak 2011. godine.

Na sajmu se očekuje učešće velikog broja delegacija jedinica lokalne samouprave iz 14 država članica NALAS-a ali i drugih gradova Evrope. Uz to veliki broj lokalnih i međunarodnih organizacija, potencijalnih investitora i poslovnih kompanija će biti predstavljeni na ovom sajmu. Ovaj događaj podržalo je i Predsjedništvo Skupštine Saveza općina i gradova Federacije BiH.

Elektronsku verziju brošure o Sajmu možete pogledati na www.nexpo.nalas.eu, a registraciju za učešće možete popuniti na istoj web stranici.

Molimo Vas da izvijestite potencijalne izlagače sa područja vaše općine/grada o ovom događaju te planirate sredstva u budžetima za predstavljanje vaše općine/grada na ovom sajmu.



a koji mogu doprinijeti unapređenju sistema lokalne uprave.

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: dino@sogfbih.ba

Molimo vas da ovaj elektronski bilten prosljedite svim zainteresiranim u vašoj i susjednim općinama.

Ukoliko želite da objavite neke od vaših novosti, iskoristite elektronski bilten Saveza, koji je brz, efikasan i jeftin način komuniciranja sa javnošću.

Sa zadovoljstvom očekujemo vaše komentare, sugestije i primjedbe.

[Kontaktirajte nas](#)

[Telefoni:](#)

033/ 216 502, 033/ 552 812

[Fax:](#) 033/552 810, 033/ 552 811

<http://www.sogfbih.ba>

<http://www.partnerstvogradova.ba/>

<http://www.nexpo.nalas.eu>

e-mail: dino@sogfbih.ba

NAŠ CILJ je informirati vas o seminarima, treninzima, konferencijama i drugim aktivnostima, koji unapređuju lokalnu upravu i kadrovsko

JAKAJU SE VEZE LOKALNIH VLASTI MOLDAVIJE I BIH



SARAJEVO, 3. mart/ožujak – Uzimajući u obzir prijateljstvo i saradnju koja je prisutna u odnosima između Bosne i Hercegovine i Republike Moldavije, a slijedom razvijenih kontakata i zajedničke saradnje između dva saveza lokalnih vlasti, Savez općina i gradova Federacije Bosne i Hercegovine (SOGFBiH) i Kongres lokalnih vlasti Moldavije (CALM) usaglasili su tekst Memoranduma o međusobnom razumjevanju.

Memorandum ima za cilj jačanje i razvijanje ukupnih odnosa na relaciji dva saveza. To se prije svega odnosi na međusobnu razmjenu informacija i iskustava, kako između dvije organizacije, tako i između naših članica (općina i gradova). Zatim, jačanje koordinacije i saradnje po pitanjima od zajedničkog interesa i pružanja međusobne podrške u međunarodnim odnosima, izgradnju kapaciteta i edukacijske programe, razmjenu općinskih kadrova i podsticanje razvijanja partnerskih odnosa među općinama iz obje države, te provedbu zajedničkih projekata.

Memorandum će biti potpisan 12. marta/ožujka, dan nakon zatvaranja Regionalnog sajma općina i gradova Jugoistočne Evrope NEXPO 2011, a potpisat će ga Husejin Smajlović, predsjednik SOGFBiH-a i načelnik Općine Zenica i Tatiana Badan, predsjednica CALM-a i načelnica Općine Selemet.

OPĆINA ORAŠJE U PROJEKTU PREKOGRANIČNE SARADNJE – ISKORIŠTAVANJE POLJOPRIVREDNE BIOMASE

ORAŠJE, 28. februar/veljača – Općina Orašje je pred realizacijom je još jednog vrijednog projekta koji se odnosi na iskorištavanje poljoprivredne biomase.

Radi se o projektu prekogranične saradnje između BiH i Hrvatske, a u kojem Općina Orašje učestvuje kao partner. Projekat se provodi u saradnji sa Energetskim institutom `Hrvoje Požar` iz Zagreba, Poljoprivrednim fakultetom iz Banja Luke, Regijom Posavina, Brčko Distriktom, općinama Šamac, Odžak, Domajevac i Vukovarsko srijemskom županijom.

Realizacija projekta trajat će oko dvije godine, a njegova ukupna vrijednost iznosi oko 325.100 eura, od čega je za BiH stranu planirano oko 143.440 eura.

Ovaj projekat je veoma značajan jer je biomasa interesantna kao energetski izvor, kao dobrobit za poljoprivredu, ali i kao mogućnost rješavanja otpada.

ODRŽANA TRINAESTA SJEDNICA PREDSJEDNIŠTVA SAVEZA OPĆINA I GRADOVA FBiH

U Bugojnu je 24. februara/veljače održana Trinaesta sjednica Predsjedništva Skupštine Saveza općina i gradova Federacije BiH.

Članovi Predsjedništva su ovom prilikom detaljno upoznati o aktivnostima Saveza

jačanje zaposlenih u vašim općinama.

KORISNI LINKOVI ZA PREDPRISTUPNE FONDOVE:

<http://www.southeast-europe.net/en/>

<http://www.adriaticipacbc.org/>

<http://www.interregadriatico.it/index1.html>

<http://www.europa.ba/>

<http://www.cbib-eu.org/en/welcome/index.html>

<http://www.cbc.bih-mne.org/>

<http://www.srb-bih.org/>

<http://www.cbc-cro-bih.net/>

<http://www.programmemed.eu/>

<http://www.tacso.org/>

<http://www.euroinfocentar.ba/>

<http://www.balkanfund.org/>

<http://eurelmed.com/>

http://eacea.ec.europa.eu/index_en.php

na predstojećem Sajmu općina i gradova Jugoistočne Evrope, NEXPO 2011 koji će se održati 10. i 11. marta/ožujka ove godine u Sarajevu. Za navedeni sajam do sada je potvrđeno učešće preko 100 gradova i općina te se očekuje dolazak preko 5000 posjetilaca sajma. Ovo je jedinstvena prilika za predstavljanje lokalnih zajednica zemalja članica NALAS-a (Mreža lokalnih i regionalnih vlasti Jugoistočne Evrope) i šire.



Predsjedništvo je ovom prilikom razmatralo i usvojilo inicijativu za izmjene i dopune Zakona o preuzimanju, izmjenama i dopunama Zakona o zakupu poslovnih zgrada i prostorija Kantona Sarajevo koju je pokrenula Općina Stari Grad Sarajevo. Inicijativa ide u smjeru davanja većih prava zakupodavcu u smislu raspolaganja svojim vlasništvom u slučaju da zakupoprimalac neredovno isplaćuje svoje obaveze. Također, usvojena je i inicijativa Općine Ilidža za izmjenama i dopunama Zakona o vodama Federacije BiH kao i inicijativa za izmjene i dopune Zakona o zaštiti i spašavanju ljudi i materijalnih dobara od prirodnih i drugih nesreća. Zakonom o vodama se uređuje način upravljanja vodama unutar teritorije Federacije BiH, koji obuhvata zaštitu voda, korištenje voda, zaštitu od štetnog djelovanja voda i uređenje vodotoka i drugih voda kao i ostalu problematiku vezanu za vode u Federaciji. Inicijativa ide u pravcu da se prihvodi od vodne naknade koji pripadaju kantonima prioritarno koriste za uređenje i regulaciju vodotoka i zaštitu od poplava u općinama ugroženih od pojave poplava. Izmjenom Zakona o zaštiti i spašavanju ljudi i materijalnih dobara od prirodnih i drugih nesreća traži se da se povećaju sredstva potrebna za finansiranje preventivnih mjera zaštite i spašavanja sa 20% na 40%. Sadašnjim odredbama tog zakona općine su dovedene u situaciju da imaju značajna sredstva u budžetima koja se ne mogu utrošiti za namjene koje su najpotrebnije a to su uređenje i regulacija vodotoka kao jedna od najprioritetnijih preventivnih mjera zaštite i spašavanja za općine koje su ugrožene poplavama. Pored ovih usvojena je i inicijativa za izmjenu Zakona o porezu na dohodak kojom se traži oporezivanje svih dobitaka od igara na sreću bez obzira na iznos istih.

Predsjedništvo je također upoznato i o održanoj javnoj raspravi o prednacrtu Zakona o vinu. U sklopu aktivnosti na izboru regionalnih lokaliteta za izvođenje obuke za uposlenike i izabrane zvaničnike u Federaciji BiH, Predsjedništvo je usvojilo odluku da regionalni centri za obuku budu uspostavljeni u sljedećim mjestima: Tuzla, Ilidža, Bosanski Petrovac, Vitez i Tomislavgrad.

Na osnovu potpisanog Memoranduma o saradnji Sarajevske škole za nauku i

tehnologiju (SSST) i Saveza, usvojen je prijedlog za organiziranje radionica o stanju upotrebe informacionih tehnologija i implementacije elektronske uprave u jedinicama lokalne samouprave u Federaciji BiH.

Predsjedništvo je upoznato o zajedničkim aktivnostima Saveza i UNDP-a na projektima „Integriranog lokalnog razvoja“ i „Sigurnije lokalne zajednice u BiH“. Predstavници Nacionalnog tima za implementaciju strategije za rad policije u zajednici, zajedno sa Centrom za sigurnosne studije, prezentirali su „Operativni priručnik za rad policije u zajednici“, a predstavnici OSCE-a izvršili su prezentaciju „Priručnika o razumijevanju krivičnih djela počinjenih iz mržnje“. Na sjednici je pored nabrojanih, prezentiran i projekat „LED sijalica“ firme Hella Bekto Industries kojim je predstavljen koncept nove ulične rasvjete.

Članovi Predsjedništva su također upoznati o aktivnostima Saveza na pripremi drugog kruga radionica o uvođenju trezorskog poslovanja u jedinicama lokalne samouprave kao i o tome da je Federalno ministarstvo finansija ocijenilo opravdanom inicijativu Saveza za izuzimanje jedinica lokalne samouprave iz sistema fiskalizacije, te istu uputilo na razmatranje nadležnoj komisiji.

Predsjedništvo je usvojilo i zaključak da nadležna komisija Saveza razmotri odredbe Zakona o zaštiti i dobrobiti životinja u pravcu iznalaženja mogućnosti za njegovu punu provedbu. Naime, u trenutnoj situaciji većina općina ne raspolaže potrebnim sredstvima za izgradnju zakonom propisanog azila za napuštene životinje što u praksi predstavlja veliki problem i opasnost za građane.

PRIPREME ZA OTVARANJE NOVE POSLOVNE ZONE

GORNJI VAKUF – USKOPLJE, 23. februar/veljača – Akcent u radu lokalne uprave Općine Gornji Vakuf - Uskoplje u 2011. godini bit će stavljen na otvaranje nove poslovne zone na lokaciji Batuški Lug.

Nova poslovna zona zauzimat će površinu od deset hektara zemljišta, koje se trenutno krči i čisti od šiblja, dok je ugovor o izradi projektne dokumentacije za kompletnu infrastrukturu u toj zoni potpisan s REZ Agencijom.

Izgradnjom nove poslovne zone bit će stvoreni preduvjeti za otvaranje novih radnih mjesta što je od ogromnog značaja budući da se na evidenciji nezaposlenih trenutno nalazi više od tri hiljade Gornjovakufliana.

Nekada je u ovom gradu bilo zaposleno pet hiljada ljudi, a danas je taj broj duplo manji.

RAZGOVARANO O NAČINIMA I MODELIMA NADOKNADE ŠTETA U POLJOPRIVREDI NASTALIH U NEDAVNIM POPLAVAMA



GORAŽDE, 23. februar/veljača

- Sastanak predstavnika Federalnog ministarstva poljoprivrede, vodoprivrede i šumarstva i Ministarstva za privredu Bosansko - podrinjskog kantona, te općina Goražde održan je danas u Goraždu.

Na sastanku je razgovarano o načinima i modelima

nadoknade šteta u poljoprivredi, nastalih kod poljoprivrednih proizvođača-pojedinaca u nedavnim poplavama.

Za tu svrhu Svjetska banka (WB) je odobrila preusmjeravanje dijela sredstava iz Projekta ARDP - Poljoprivreda i ruralni razvoj, u ukupnom iznosi od 2.5 miliona eura za FBiH.

Ovo ministarstvo, kao implementator Projekta, zaduženo je za izradu programa hitne pomoći za saniranje šteta u FBiH nastalih od poplava u poljoprivredi.

Federalno ministarstvo poljoprivrede koje će voditi aktivnosti oko raspodjele sredstava već je zaprimilo od općina preliminarne rezultate šteta, a sada je cilj napraviti konačne procjene te utvrditi liste poljoprivrednih gazdinstava, odnosno proizvođača pogođenih poplavama, a iz Ministarstva su naglasili da treba što prije prikupiti informacije o pojedinačno nastalim štetama na poljoprivrednim imanjima, kako bi se pokrenule procedure nabavke neophodnog materijala obzirom da se pomoć neće dodjeljivati u novcu.

Sve nabavke odvijat će se u skladu sa procedurama Svjetske banke, pa su učesnici sastanka detaljno upoznati s kriterijima i rokovima koji se moraju ispoštovati u tom smislu. Sve će se raditi u saradnji Federalnog ministarstva sa nadležnim općinskim i kantonalnim strukturama. Osim općine Goražde, pomoć u sanaciji šteta u poljoprivredi, sredstva će dobiti i općine Foča-Ustikolina, Čapljina, Neum, Ravno i Tomislavgrad. Sredstva Svjetske banke u sanaciji šteta biće operativna kada se na terenu naprave konačne procjene šteta nakon čega će timovi koje je formiralo Federalno ministarstvo, utvrditi finalne liste korisnika pomoći.

STRUČNA OBUKA O KANDIDOVANJU PROJEKATA ZA IPA FONDove EU

ZENICA, 22. februar/veljača – Agencija za rad i zapošljavanje BiH u saradnji sa Službom za zapošljavanje Mađarske organizirala je u Zenici dvodnevnu stručnu obuku za predstavnike svih javnih službi i zavoda za zapošljavanje u BiH.

Obuka o pripremi projektne dokumentacije za kandidovanje projekata finansiranih iz sredstava IPA fondova Evropske

unije, prezentacija je puta od ideje do pribavljanja ovih značajnih sredstava koja, prema mišljenju učesnika, nisu dovoljno iskorištena.

"Ovo je prilika da kroz dobro osmišljene projekte privučemo novac iz evropskih fondova, popravimo trenutnu situaciju i dođemo do novih radnih mjesta, jer radi se o velikim sredstvima i šteta je da to ne iskoristimo", izjavio je direktor Agencije za rad i zapošljavanje BiH Adnan Delić. Predavači su eksperti iz Mađarske i Hrvatske, iskusni u izradi projektnih prijedloga koji se apliciraju na IPA fondove.



U JABLANICI OTVOREN CENTAR ZA IZDAVANJE URBANISTIČKIH DOZVOLA

JABLANICA, 22. februar/veljača –

U Jablanici je danas otvoren Centar za izdavanje urbanističkih dozvola, koji će unaprijediti rad lokalne zajednice u oblasti izdavanja urbanističkih, građevinskih i upotrebničkih dozvola te olakšati građanima pristup informacijama.

Projekat je podržan od strane Američke agencije za međunarodni razvoj (USAID), Holandske vlade, te Švedske razvojne agencije (SIDA), a u realizaciji je jednim dijelom

učestvovala i Općina Jablanica, koja je bila zadužena za osiguranje prostora i građevinske radove. Centar se nalazi u sklopu zgrade Općine Jablanica, ali je posebnim ulazom odvojen od ostale administracije.

Novi centar za izdavanje urbanističkih dozvola je uspostavljen radi transparentnijeg i efikasnijeg rada lokalne zajednice. Ovim se unaprijeđuju komunikacija građana sa nadležnim iz službe, a sve informacije vezane za građenje sada se nalaze na jednom mjestu.

Centar će također biti od velike pomoći potencijalnim investitorima, jer će uveliko biti ubrzane procedure za izdavanje potrebnih dozvola za ulaganje.

Inače, općina Jablanica tokom svake godine veći dio svog budžeta usmjerava na građenje, pa je tako prošle godine započeto oko 150 različitih projekata, čija će se realizacija nastaviti i tokom ove godine. Dva najveća infrastrukturna projekta koja se trenutno provede su izgradnja sportske dvorane u centru Jablanice i gravitacioni vodovodni sistem sa izvorišta Šanica za snabdijevanje grada.



PREDSTAVLJEN PROJEKT “RAZVOJ ODRŽIVIH PRAKSI ZA ZAŠTITU, PROMOCIJU I UPRAVLJANJE PRIRODNIM RESURSIMA”



SARAJEVO, 22. februar/veljača

– Presentacija projekta “Razvoj održivih praksi za zaštitu, promociju i upravljanje prirodnim resursima” održana je 22. februara/veljače 2011. godine u Sarajevu u prostorijama Centra za okolišno održivi razvoj. Presentaciji su, pored predstavnika partnera na

projektu Općine Pljevlja iz Crne Gore, prisustvovali i predstavnici Kantonalne javne ustanove za zaštićena prirodna područja, općina Kantona Sarajevo kojima pripadaju projektna područja, mediji, te predstavnici JTS-a za Prekogranični

program BiH-MNE.

Projekat "Razvoj održivih praksi za zaštitu, promociju i upravljanje prirodnim resursima" finansira Evropska unija sredstvima iz Instrumenta pretprijetne pomoći, a implementira ga Centar za okolišno održivi razvoj (COOR) iz Sarajeva u partnerstvu sa Općinom Pljevlja iz Crne Gore.

Partner u Bosni i Hercegovini je Ministarstvo prostornog uređenja i zaštite okoliša Kantona Sarajevo, a partner u Crnoj Gori je Turistička organizacija Pljevlja.

Projekat je započeo 28.12.2010. a period implementacije projekta je 18 mjeseci.

Glavni cilj projekta predstavlja doprinos zaštiti, promovisanju i unaprjeđenju efikasnog upravljanja područjima od izuzetne prirodne vrijednosti (PIPV područja) sa ciljem razvoja turizma i drugih alternativnih ekonomskih aktivnosti u svrhu očuvanja prirodnih resursa.

Projekat se u Bosni i Hercegovini odnosi na područja Skakavca, Bijambara i Vrela Bosne, a u Crnoj Gori na područje planine Ljubišnja.

Općina Pljevlja je upriličila prezentaciju projekta i u Crnoj Gori u ponedjeljak, 28.02.2011. godine.

PREKOGRANIČNA SURADNJA ORAŠJA I VINKOVACA

ORAŠJE, 15. februar/veljača – Delegacija Europske unije u Bosni i Hercegovini potpisala je s Općinskim načelnikom Đurom Topićem ugovor o implementaciji projekta prekogranične suradnje nazvanog VIOR – Vinkovci i Orašje: Projekt turističke baštine. Projekt će se implementirati u Vinkovcima (Republika Hrvatska) i u Orašju, a projektom je predviđeno niz aktivnosti kao što je osnivanje baze



podataka turističke baštine kako u Vinkovcima tako i u Orašju, razvoj inovativnih rješenja za promociju, ponudu i distribuciju prekograničnih turističkih proizvoda, obnova malih infrastrukture turističke baštine, predavanja o abonosu za najmanje 100 lokalnih turističkih sudionika i 20 turističkih operatera itd. Vrijednost projekta za Općinu Orašje iznosi oko 60.000 eura, a Delegacija Europske unije pokrit će 85% troškova odnosno donirat će više od 50 tisuća eura.

Konferencija o saradnji lokalne samouprave i OCD-a

CIVILNO DRUŠTVO NA USLUZI GRAĐANIMA

U Bečićima kod Budve, o organizaciji TACSO projekta, održana je druga regionalna konferenciju o temi Saradnja između lokalne samouprave i OCD-a zapadnog Balkana i Turske • Zapažen nastup bh. delegacije

Piše: Fuad KOVAČEVIĆ

Projekt tehničke pomoći organizacijama civilnoga društva organizirao je prošle sedmice u Bečićima kod Budve drugu regionalnu konferenciju o temi Saradnja između lokalne samouprave i OCD-a zapadnog Balkana i Turske. Cilj TACSO projekta je da ojača civilno društvo unutar participativne demokratije, potakne razvoj okruženja za civilna društva i kulturu, ojača opće kapacitete i odgovornost OCD-a u zemljama zapadnog Balkana i Turske, poboljša kvalitet usluge OCD-a i pomogne održivu ulogu OCD-a u demokratskim procesima.

Bh. delegaciju na ovom skupu, na kojem je učestvovalo oko 200 predstavnika iz OCD-a, lokalne samouprave, općina/opština, ministarstava, međunarodnih organizacija... predstavljao je sjajan tim iz različitih struktura, ali s istim ciljem: prezentirati do sada uređeno, najaviti nove korake, ali i preuzeti primjere dobre prakse iz Hrvatske, Srbije, Crne Gore, Albanije i Turske.

- Fokus konferencije je bio na transparentnosti i odgovornosti lokalnih vlada i ulozi koju OCD može imati u tom smislu, mehanizmima učešća, procesi donošenja odluka na lokalnom nivou, saradnja lokalnih samouprava s OCD-om i finansiranje OCD programa i projekata na lokalnom nivou. Na konferenciji smo radili na mapiranju institucionalnih mehanizama saradnje između



OCD-a i lokalnih samouprava u regionu kako bi se na taj način obezbijedilo dalje istraživanje odnosa između OCD-a i samouprava, izjavio je vođa regionalnog TACSO projekta Palle Westergard.

Dobra praksa

- Konferencija je obradila veoma značajnu temu za općine i gradove - saradnja lokalnih zajednica i OCD-a. Savez općina i gradova Federacije BiH, koji okuplja 79 jedinica lokalne samouprave, u mogućnosti je, ali i u obavezi da informira svoje članice o svim projektima koji ih se tiču i u kojima mogu naći svoj interes, kao što je bila ova konferencija, kazala je Elvira Imširović-Bolić iz Saveza.

Samir Omerefendić, jedan od realizatora projekta jačanja lokalne demokratije UNDP-a, koji se provodi u saradnji sa 14 bh. općina, a u skladu sa stvarnim potrebama građana, smatra da je konferencija potvrdila primjere dobre prakse.

- Razmijenili smo iskustva s predstavnicima država iz regiona s ciljem da osiguramo nastavak i održivost projekta i ovih inicijativa ubuduće, rekao je on.

Sanja Stanić iz udruženja građana Viktorija iz Banje Luke je impresionirana skupom i njegovim značajem.

- Radili smo i kroz radne grupe, što je rezultiralo zajedničkim partnerstvom i ciljem. Identifikovali smo određene potrebe i vjerujem da ćemo u narednom periodu napraviti značajne korake koji će se reflektovati na BiH, kaže ona.

Haris Komić, direktor PLOD centra iz Bihaća, mislim da su na konferenciji postignuti očekivani rezultati i ispunjeni predviđeni ciljeve, što se prije svega odnosi na rezultate u oblasti učešća civilnog društva u donošenja odluka na lokalnoj razini.

- Mislim da će ono što smo ovdje napravili i dogovorili pomoći da se formiraju bolji i efikasniji mehanizmi za financiranje aktivnosti u kojima učestvuju OCD, koje je od

velikog značaja za razvoj lokalne zajednice u BiH, smatra on.

Nešad Šeremet, projekt menadžer iz UNDP-a, ukazao je na drugi pristup saradnje nevladinog sektora i lokalne samouprave, odnosno organa vlasti, na način da se putem velikih projekata, što finansijskih, što obimom programskih zahtjeva, pristupi saradnji s NVO koje su visoko sofisticirane i specijalizirane za pružanje određenih usluga koje vladin sektor nije u stanju pružiti.

- Riječ je i o marginaliziranim grupama ljudi, odnosno populacijama, do kojih je jako teško doći - injekcioni korisnici droga, zatvorenici, romska populacija, mladi koji su u rizičnoj dobi... Moramo raditi na tome da smanji korištenje opojnih droga, da sprečavamo spolno prenosive zarazne bolesti, da uspostavljamo mreže savjetovališta za mlade, da u njih mladi mogu doći bez zdravstvene knjižice, pa čak i ako su mlađi od 18 godina, da usluge dobiju a da ne moraju otkrivati svoj identitet, rekao je Šeremet.

Kulturni sadržaji

Mensur Jašarspahić Suri, načelnik Općine Kakanj, smatra kako je velika raznolikost u saradnji vladinog i nevladinog sektora u zemljama učesnicima ove konferencije, jer su zakoni omogućili da se formira veliki broj udruženja, od kojih mnoga nemaju pravi cilj djelovanja, odnosno da pomognu ugroženim ljudima.

- Problem je i pravljenje kvalitetnih projekata u svim segmentima. Primjerice, BiH ima jako mnogo kulturnih sadržaja koji bi mogli biti podržani i pomognuti od međunarodne zajednice da ono što imamo sačuvamo i uvrstimo u turističku ponudu. Mi u Kakanju upravo takvim projektima poklanjamo veliku pažnju, a ovakve konferencije su prilika da naša nastojanja prepoznaju strukture koje nam mogu pomoći da dođemo do donatora i da nam pomognu da na pravi način možemo aplicirati za projekte, kazao je on.

- Na konferenciji smo imali priliku vidjeti i uporediti prakse kada je u pitanju suradnja lokalne uprave i OCD-a s onim što mi imamo i kako radimo u BiH. Organizacija u kojoj ja radim mnogo čini upravo na institucionalizaciji suradnje vladinog i nevladinog sektora na svim razinama. Ovdje se uglavnom pričalo o lokalnoj razini, ali smo imali priliku vidjeti i čuti i kakva suradnja postoji na drugim razinama u državama u regionu. Svi mi, ipak, imamo još mnogo toga uraditi, a ovakve konferencije su način da budemo što bolji i ekspeditivniji, izjavio je Slaviša Prorok iz sarajevskog Centra za promociju civilnog društva.

Lejla Rešić, ministrica javne uprave i lokalne samouprave Republike Srpske, vjeruje da je konferencija ispunila očekivanja.

- Vidjeli smo iskustva i modele iz država zapadnog Balkana i Turske, načine razmjene iskustava i saradnje sa nevladinim sektorom. Mi u RS-u smo u ovom segmentu organizovaniji u odnosu na Federaciju BiH i državu BiH, imamo registar, bolje podatke. Na skupu smo razgovarali i o kriterijima, da li imamo različite ideje koje bi mogle poboljšati našu saradnju sa nevladinim sektorom i uopšte sa svim OCD-ima. Oni su nam dobar korektiv, zato jako dobro sarađujemo sa brojnim udruženjima građana, iz granta Ministarstva imamo određena sredstva za ovakva udruženja i organizacije. Ovdje smo čuli neke modele saradnje, koje ćemo preispitati, analizirati i vidjeti na koji način ih možemo primijeniti u svom radu, rekla je ona.

- Jedan od ciljeva konferencije je bio da se preispitamo gdje smo u cijelom ovom procesu. Ono što bi se moglo izvući kao zaključak je da svi trebamo razvijati svoje kapacitete kako bismo širili saradnju vladinog i nevladinog sektora na svim nivoima, jer svi možemo od toga imati velike koristi. NVO mogu i trebaju biti itekako dobar partner u realizaciji projekata koji mogu otvoriti put jedinicama

lokalne samouprave da realizuju neke svoje strateške ciljeve, kazala je Milanka Šopin iz Ministarstva javne uprave i lokalne samouprave RS-a.

- Mislim da je bh. delegacija na ovoj konferenciji bila primjer dobre lokalne prakse u segmentu uključivanja građana, transparentnosti procedura i saradnje s nevladinim sektorom. Bilo mi je zadovoljstvo uporediti nivoe razvoja procesa saradnje vladinog i nevladinog sektora u BiH i zemalja regiona. Sa konferencije nosimo značajna iskustva koja se tiču razvoja normativnih okvira na nivou države BiH. Zajednički zaključak sa ovog skupa je da bez saradnje na lokalnom nivou, s NVO i uključenim građanima, nema brzog razvitka i oporavka, izjavila je Hazima Pecirep iz sarajevske Općine Novi Grad.

Sadeta Škaljić iz Ministarstva pravde BiH, gdje vodi sektor za civilno društvo, smatra da su regionalne konferencije izuzetna prilika za razmijenu mišljenja i iskustava, pogotovo u sektoru civilnog društva, koje se snažno razvija.

Bitne poruke

- Ovakvi skupovi ne samo da doprinose pomirenju, nego i dobroj saradnji. Civilno društvo razvija demokratske principe, daje bitne poruke, itekako je važna vladavina prava, da nema povlaštenih pojedinaca, naroda, država, pogotovo nauštrb drugih. Važno je da sloboda svakog pojedinca ide do granica slobode drugih, a to su predivne poruke koje stižu iz civilnog društva. One su jako važne za nas u regionu, gdje smo oslonjeni jedni na druge, a ovakve konferencije doprinose da se ta saradnja ponovo uspostavi, na principima ravnopravnosti i uzajamnog poštovanja i pomaganja, kazala je ona.

- Konferencija je imala tri panela. Prvi se ticao transparentnosti i odgovornosti lokalne samouprave i OCD-a; drugi je bio o učešću građana u procesima donošenja odluka; treći je bio posvećen finansiranju aktivnosti OCD-a. Čuli smo različite prakse, a kompetentni predstavnici iz BiH su razgovarali o tome šta bi se moglo raditi u narednih godinu dana. Sinhronizovana je agenda ministarstava za lokalnu samoupravu na državnom i entitetskom nivou, OCD-u, opštinama, gradovima... Uspješno smo razmotrili šta se može unaprijediti na osnovu praksi koje smo čuli od kolega iz drugih država, rekla je šef TASCO projekta u BiH Slavica Drašković.

- Veoma smo zadovoljni suradnjom s organizatorom ovog projekta i vjerujem da će u budućnosti biti prostora za nove projekte. Na ovoj konferenciji smo uspjeli dogovoriti neke korake s predstavnicima resornog državnog i ministarstva iz RS-a. Mislim da možemo očekivati uspješan nastavak inicijativa koje su se rodile ne samo na ovoj konferenciji, u smjeru poboljšanja dosadašnjih praksi u odnosu s OCD-om, izjavio je Entoni Šeparić iz federalnog Ministarstva pravde.

NAJAVA ORGANIZIRANJA RADIONICA O TREZORSKOM/RIZNIČNOM POSLOVANJU

Savez općina i gradova Federacije Bosne i Hercegovine organizira drugi krug radionica na temu „Aktuelni problemi u uvođenju trezorskog/rizničnog poslovanja u jedinicama lokalne samouprave“. Planirano je održavanje ukupno osam radionica u različitim općinama/gradovima, kako slijedi:

- **Drvar**, 18.mart/ožujak, sa početkom u 13:00 sati, za sljedeće općine: Bihać, Velika Kladuša, Bosanska Krupa, Drvar, Bosanski Petrovac, Bosansko Grahovo, Bužim, Glamoč, Cazin, Livno, Ključ, Kupres i Sanski Most
- **Prozor-Rama**, 24. mart/ožujak, sa početkom u 12:00 sati, za sljedeće općine: Bugojno, Donji Vakuf, Gornji Vakuf-Uskoplje, Prozor-Rama,

Tomislavgrad, Mostar, Konjic i Jablanica.

- **Kladanj**, 25. mart/ožujak, sa početkom u 11:00 sati, za sljedeće općine: Banovići, Tuzla, Kalesija, Kladanj, Lukavac, Visoko, Živinice, Kiseljak i Olovo.
- **Srebrenik**, 1. april/travanj, sa početkom u 12:00 sati, za sljedeće općine: Domaljevac-Šamac, Čelić, Gradačac, Gračanica, Odžak, Orašje, Sapna, Srebrenik i Teočak.
- **Kakanj**, 7. april/travanj, sa početkom u 11:00 sati, za sljedeće općine: Doboj Istok, Doboj Jug, Kakanj, Maglaj, Breza, Tešanj, Vareš, Zavidovići, Žepče i Usora.
- **Stolac**, 8. april/travanj, sa početkom u 12:00 sati, za sljedeće općine: Čapljina, Čitluk, Grude, Ljubuški, Neum, Posušje, Ravno, Stolac i Široki Brijeg.
- **Foča-Ustikolina**, 14. april/travanj, sa početkom u 11:00 sati, za sljedeće općine: Centar Sarajevo, Foča-Ustikolina, Grad Sarajevo, Goražde, Ilijaš, Novi Grad, Novo Sarajevo, Pale-Prača, Stari Grad, Vogošća, Trnovo, Hadžići i Ilidža.
- **Busovača**, 15. april/travanj, sa početkom u 11:00 sati, za sljedeće općine: Busovača, Dobretići, Fojnica, Jajce, Novi Travnik, Travnik, Vitez i Zenica.

Sve općine će u narednom periodu dobiti poziv s naznakom mjesta održavanja radionice i dnevnim redom.

Najava obilježavanja Dana općina

- **06. mart/ožujak - Dan Općine Hadžići.** Taj dan se obilježava kao znak sjećanja na 6. mart 1996. godine, kada je izvršena reintegracija dijelova općine Hadžići koji su bili okupirani tokom agresije na Bosnu i Hercegovinu. Hadžići, Binježevo, Žunovnica, Grivići i Drozometva su naselja koja su 6. marta 1996. godine predana legalnim vlastima Općine Hadžići.
- **10. mart/ožujak - Dan Općine Doboj Istok.** Tog dana 1998. godine Parlament Federacije BiH donio je odluku o osnivanju općine Doboj Istok.
- **10. mart/ožujak - Dan Općine Teočak.** Ovaj datum je izabran jer je na taj dan 1998. godine stupio na snagu Zakon o konstituisanju novih općina u FBiH.
- **12. mart/ožujak - Dan Općine Ilidža.** Naime, 12. marta 1996. godine, provodeći odredbe Dejtonskog mirovnog sporazuma, realizirana je mirna reintegracija područja općine Ilidža.
- **15. mart/ožujak - Dan Općine Dobretići.** Naime, na taj datum Parlament Federacije BiH formirao je Općinu Dobretići.
- **18. mart/ožujak - Dan Općine Fojnica.** Ovaj datum je uzet za obilježavanje Dana Općine jer se u dokumentima dubrovačkih trgovaca na taj dan 1365. godine prvi put spominje grad Fojnica.
- **18. mart/ožujak - Dan Općine Sapna.** Ovaj dan je uzet za obilježavanje Dana Općine zato što je tog dana 1998. godine održana prva sjednica Općinskog vijeća novoformirane Općine Sapna.
- **19. mart/ožujak - Dan Općine Foča-Ustikolina.**
- **20. mart/ožujak - Dan Općine Zenica.** Na taj dan 1436. godine Zenica je prvi put spomenuta u dokumentu kojim se dubrovačkim trgovcima omogućava slobodno kretanje i poslovanje na području Bosne.
- **21. mart/ožujak - Dan Općine Doboj Jug.**



